


ЭТИГЭЛ НАЙДАЛ АСАРНА

Намжилма
БАЛЪЖИНИМАЕВА

Улаан-Удын залуушуулай хорооной, Буряадай гүрэнэй университетэй, Буддын шажанай заншалта Санхын үүсхэлээр 2014 оной эхиндэ «Найдал» жаса байгуулагдаһан байна. Жасые байгуулагшад буряад хэлээ хүгжөөх, буряад хэлэ үзэлгэдэ тулалха, нэргээлгын ажал эрхилэ, энэ хэрэгтэ эдэбхитэдые шэлжүүлхэ зорилго урдаа табяаһэн.

Жасые хүтэлбэрлэгшэ Юрий Содномович Балханов түрүүтэй ажалшад үнгэрһэн жэл хахад сагай туршада нилээд эхэхэн ажал ябуулжа байна. Энэ үе саг соо олон хүнүүдтэ тулалаа юм. Грантнуудай түрүүшын фестивальда манай «Мүнгэн тобшо» сайт түрүү нуури эзэлжэ, илажа гараад, «Найдал» фондын 50000 түхэрлэг мүнгэн дэмжлэлтэ абаад, ажалдамнай эгзэн шухала фотоаппарат ноутбук хоёрые абаа бэлэбди. Иимэ ехэ тулаламжа



▲ Түлбөө хамгаалгын үедэ

үгэхэдэн, хэжэ байһан ажалымнай ойлгожо, сэнгэжэ, дэмжэжэ байхадань, гайхаашье, байраашье бэлэбди. Юрий Балханов ганса бидэндэ бэшэ, үшөө олон хүнүүдтэ тулалжал байдаг юм. «Найдал» жаса буряад хэлээ хүгжөөх, хойто үедөө дамжуулан үлээхэ гол зорилго урдаа табяад, энэ хэрэгэй

түлөө жүдхэжэ ябаһан олон олон хүнүүдтэ этигэл найдал асарна.

Түрүүшын грантнуудай фестиваль дээрэ «Буряад хэлээ дэмжэлгэдэ ямар худбита оруулжа гээшэб, ямар ажал хэжэ гээшэб» гэхэн бодолтой эндэ ерэхэн таанадай хүн бүхэнэй ханамжа хараада абтаха, хүн бүхэн би-

дэндэ тухатай байха», - гэжэ тэрэ уралаа бэлэй.

Би өөрынгөө бодожо ябаһан туршалгануудаа «Найдал» жасын тулаламжаар бэлүүлжэ, мүнөө сагай эрилтээр интернет хэрэглэжэ, «Мүнгэн тобшо 3D» сайт дээрэ үхибүүдтэ зориулжа, богонихон видео бэшэлгэнүүдые тааруулан табинабди. «Миний уг гарбал» гэжэ нэрэтэй үхибүүдэй зохёохы Интернет-конкурс ажалаа эхилэнхэй, хургуулин хурагдай зохёохы туршалгануудые хүлээн абажа байна. Энэ конкурс Буряад Уласай турын дуу (гимн) зохёон автор, поэт Дамба Жалсараевай түрээһөө 90 жэлэй ойн баярта зориулагдаһан юм. Конкурс ноябрийн 1 болотор үргэлжэлхэ байна.

Грантын мурьсөөнүүдэй түлбэлгэ (проект) бэлдэхдээ, ямар арга хэрэглэхэб, ямар зорилго урдаа табиха, түлбэлгын гол уха хүнүүдтэ ойлгосотойгоор дамжуулаха, бэлүүлхын түлөө ямар түхээрэмжэ хэрэгтэйб, яагаад проект бэлдэхэб, яагаад проект бэлдэхэб гэхэ мэтэ бидэндэ тухатай заабаринуудые Хотын залуушуудай хорооной дарга Эрдэнэ Дымчиков хөөржэ үгөөһэн. Ойлгогдоогүй юумэн тухай асуухадманай, дэлгэрэнгүй харюу үгэжэ, бидэндэ хэрэгтэй заабари хэлээһэн.

Энэ хэсгэлнүүд грант абаха тэмсэндэ түлбэлгээ бэлдэхэдманай, тон ехэ тулаламжа болооһон. Энэ хэсгэлдэ шагнаһан заабаринуудые ходел уншаад, өөртөө хүтэлбэри болгожо абаад, ёһо гурим соонь Гурбадхы грантнуудай фестивалда Интернет-проект гэжэ номинида «Мүнгэн тобшо» сайтын ябуулжа байһан «Миний уг гарбал» гэжэ түсэлөө тэмсэндэ оруулжа тухай мэдүүлгэ барьяа нэм. «Миний уг гарбал» сайт ямар зорилготой хэжэ эхилһэн тухайгаа слайднуудые харуулжа, дэлгэрэнгүй хөөрөбөө, видео бэшэлгэнүүдэ харуулаади, сээрлигтэ буулгаһан жаахан үхибүүдэй гэрэл зурагуудые, толиолонгуудаа харуулжа, хаана ямар хонин юумэн болоноб, тэндэ ошод, видео-зураг буулгаад, фото-зурагтайгаар толиолог табихадманай, интернет үзэгшэдтэ ямар хонин байна гэшэб гэжэ хөөрөбөбди.

«Мүнгэн тобшо» сайта ямар хонин мэдээлэл табиха, хүнүүд хонирхохо гэшэб, гүнзгий удхатай аад, нүдэндэ урин зохидоор харгдаха толиолог табяад, үзэгшэдэй анхарал татажа, энэ анхаралынь алдахгүй гэжэ оролдонобди. Сайтые нэгэл дахин хараһан хүнэй хонирхол алдангүй, дахиад бусажа харахын түлөө оролдонобди.

“АЛТАРГАНА-2016” НААДАНИИЕ УГТУУЛАН

ХОЙТО ҮЕДӨӨ ДАМЖУУЛХА ТУГ

БАСАА Валера

“БҮГЭДЭ БУРЯАДАЙ «АЛТАРГАНА-2016» НААДА ҮНГЭРГЭХЭ ГУРИМ, ДҮРИМУУДТЭ ДУРАДХАЛНУУДАА ОРУУЛЫТ” гэхэн хандалга дотор гансал мурьсөөнүүдэй дүримүүд тушаа асуудал табигдана гэжэ ойлгобоб. Харин би мурьсөөнүүдэй дүримүүд тухай бэшэ, “Алтарганын” статут тушаа нэн түрүүн бодомжолхые дурадханам. Нэгэтэ “Буряад үнэндэ” дурадхаа нэм. Дабтахамни, шэнэлжэ хэлэхэмни.

“Алтарганамнай” дүрбэн газарнуудтал үнэргэгдэхэ аргатай: Буряад Уласта, Монголд, Агада, Ардайн Адагта. Харин Хитад гүрэн буряадуудай Наадые Дотор Монголд эмхидхэхые дэмжэнгүй, хорино. Халха Монголшые байтараа шалтаг олоод, хоринонь дамжаагүй - Чойбалсанай култыг магтаһан, Монголд хубисхал шэрээлсэһэн буряад хубуудые дайсад болгожо харуулаһан, тэдэниие саазалһан “Долоон бурхан харвадаггүй” гэжэ кинофильм хараарайгы даа.

1. Нэн түрүүн газар бүхэндэ гурбан хүнөө бүридһэн (хоёр эршүүл, нэгэ эхэнэр) Баймга эмхидхэлэй тухай “Алтарганын” хорооние тогтоохо. Тиин эртэһэнээ эндэ тэндэһээ али болохоор мүнэг танга оруулагдажа байхын өөрын сантай болохо. Тийбэл эмхидхэл ульгамаар ябаха.

2. Хороонууд “Алтарганынгаа” дүрим зохёжо баталха. Мүнөө сагта хэнье эмхидхэл тушаа харюусанагүй, өөр өөрынхээрээ “Алтарганын” үнэргэнэ.

3. “Алтарганын” хоёр жэл болоод бэшэ, гурба-дүрбэн жэлдэ нэгэ хэдэжэ болохо. Бэлдэхэлэй хугасаагай ута болохо, бодомжолго үзэхэ саг олодо, шэнэ бүтээлнүүд олон болохо, хонирхолтой, хүлээгдэжэ ядамаар байха. “Алтарганамнай” ганса мүнөөл хуугаа үетэнэй түргэ түргөөр, яаралтайгаар бүтээгдэхидэ Наадан бэшэ, саашанхи үринэрэй заншалта хайндэр болохо хараатай нэмнай даа.

4. “Алтарганын” имагтал буряадуудай Наадан гэжэ тоолоо юм наа, эхинһээ эсэс хүрэтэрөө буряад хэлэ аялгаар хүтэлбэрлэхэ хэрэгтэй. Энэ эрилтэ нээлгэдэ, хаалгада, мурьсөөнүүдэй сонсохоннуудта сүм хамаатай. Зүгөөр манай гүрэндэ (Буряадта, Агада, Эрхүүдэ) ород хэлэн дээрэ үнэргэгдэнэ. Тийхэдэн шэнхээнэйхид, дадалахид, дорнодойхид амаа ангайлаад үлэшэнэ. Угсаатанайнгаа Наада хэжэ байһан аад, хари хэлээр (ородоор, хитадаар, монголоор, англяар г.м.) сонсохоннуудые хэлэхээхэ гээшэ ородуудай хэлээдгээр, ёһотой “Ложка дёгтя в чашке мёда” болоно. Сагаалганда бага тиигэдэжэ болошонхой: амаргүй гоол буряадаараа дуулаадаг, үндэһэн дэгэлхүүдэ үмдөө, ёхоороо талмай дүүрэн дүхэрлэхэ юм, харин бухы сонсохоннуудын ород хэлэн дээрэ. Мүнөө жэл хэжэнгынхидые Интернетээр хараһамни, тон тиймэ байна нэн. Урмаа хухархаар.

5. “Алтарганын” хото балгаһануудта эмхидхэхые хорихо. Буряад хэлэмнай мүнөө сагта имагтал худөө нютагуудта хэрэглэгдэдэг болоһон гэжэ мэдэрхэ шухала. Тиймэһээ “Алтарганын” наадан аймагуудай худөө газарнуудта үнэргэгдэхэ ёһотой. Энэнь худөө нютагуудай халбаридашье тэдхэмжэ, түлхисэ боложо үгэхэ.

6. “Алтарганын” ямаршые мурьсөөндэ хабаадаһан хүн бүхэн буряад арадайнгаа зүгһөө тэмдэглэгдэхэ, үнэмшэлгын дипломдо заатагүй хүртэхэ ёһотой. Хабаадаһан хүн бүхэн түрүүшын нууринуудые абаашьегүй наа (юундэ заатал наа, ямар нэгэ нуури эзэлхэ ёһотой юм, энэмнай олимпийскэ мурьсөөнүүд бэшэ, харин буряадуудай танилсахын, хүхилдэхын, дуулаха-бүжэглэхын, хамтаараа зугаалхын Наадан бэшэ аал?)**, элинсэгэйнгээ заншалта хэрэгтэ зүрхэ сэдхэлээрээ оролдожо ороһон, тусгаар бэлдэхдэ бага бэшэ сагаа гээһэн, мүнэгэнэй гаргаша хэһэн байна. Гадна бусахадань, үринэрнын хүлээн угтана: “Алтаргананаа” юу асарааб?” Гомдол голхорол гэжэ огто байха ёһогүй. Ото хайндэрэй баяр болохо ёһотой.

7. Эндэхэ тэндэхинэй элдэб юумэ нажааха, ондоо хэлэтэй хүнүүдые урижа, тэдэнэй хэлэн дээрэ дуулуулжа, хатаруулжа гээшые огто хорихо (Агынхид Кобзоноо урижа, бүхэли концерт “Алтаргана” дээрэ тэрэндэ табюулаа нэн). Тиин Нааданай анхан ажалые хүндэрүүлжэ, зохёон байгуулгы мүүдхэхэ хэрэг таарасагүй. “Алтаргана” - өөрын хараатай, ори ганса, сүм буряадуудай Наадан гэшэ. Дадал номонойхино наанаалһые хасагайруулжа болохогүй. Тийгээ наамнай, “Алтаргана” бэшэ, юрын бүжэглэл, мурьсөөнүүд болошохо.

8. Залуу үетэнэйгээ, үхибүүдэньгээ оюун ухаае дадалжа хүгжөөхын тула, Буряадайнаа улам-

*Тиймэшүү юумэн үнэхөөрөөшье болоһон. 1921 оной июлийн 11-дэ Монголд Арад Уласай бээс дааһан гүрэнэй сонсохгодоһоной хүүлээр уданшыггүй Хубисхалда хабаадаһан хубуудэй хоорондо мэдэгдээгүй хемороон эхилээ нэн, Ленинэй Коминтернын шугамда дурагдэгдэжэ захалагдаа. Тийн 1922 оной январь 7-до Ленинтэй уулзаһан Бодоо премьер-министрэй тушаалаһан буулгаад, “арадай дайсан” гэжэ нэрлээд, саазалаа. 1923 оной февралын 22-то “Мэдэгдээгүй шалтагаанаар” гэнтэ гуша наһатай Сүхбаатар наһа барашоо. 1924 оной август наһада Ленинтэй уулзаһан Данзаные “дайсан байһынь элирүүлээд”, буудажэ алаһан.

**Түндын зах хизааргүй дайдаар таража, ганса-нэгээрээ ажаһуудаг үндэһэтэ зон жэлэй нэгэ дахин суларжа, хамтын Наада хэдэ. Энэнь онсо удхатай: залуу хубууд, басагад эндэл танилсажа, гэр бүлүнүүдые эмхидхэдэ. Нүүдэл байдалтай монголшууд урдань бага илмэшүү бодолтойгоор тайлганай (обоо тахилгын) уулзалга жэлэй нэгэ дахин хэдэжэ байһан бэд даа.



▲ Хэдэн үе зон - арадай нааданда

жалта тоглодо наада, хэлэ, буряад сэдхэхые зүгшээрүүлхы зүйлнүүдые Наадандаа оруулалсаха хэрэгтэй.

9. Худөө бүхэндэ эмниг мори хургадаг хүнүүд байдаг. Энэниие Наадандаа харуулхад, зондо хонин байха. Монголд наань, адуун хүргэ сооһоо намнажа, хүсэжэ, ургадажа, мори баридажы манай залуушуул хонирхожо хараха нэн.

10. Буряад хүн худал хуурмаг нэрэ түрэ, шунал ташаал мэтэ элдэб буһармагта обтонгүй, сэхэ сээр ябаһан. Элинсэг хулинсагуудтай, эсэгэ үбгэднай тигнэжэ зааһан. Тиймэһээ мурьсөөнүүд маниие анги анги болгохогүй, харин нэгэдүүлхэ, нэгэ ханал бодолтой болгохо зэргэтэй.

“Алтаргана” наадаа буряад угсаатанай хэлэ, соёл, ёһо заншалые хэргэжэ хүгжөөхын, хойто үедөө дамжуулхын туг доро ябуулжа байха гэжэ наа, элдэб айдэр нэрээр, үнгэ мүнэгэнэй адхаг ашаагаар хүниие үлүүтэ хонирхуулхые нэдэжэ болохогүй.